

## Evening Dogri (NSD) Bulletin 08-03-2025

### आकाशवाणी

खास-खास खबरां .....

1. राष्ट्रपति द्रौपदी मुर्मू होरें अंतर्राष्ट्रीय महिला दिवस पर कार्यबल च महिलाएं दी मती भागीदारी दा आह्वान कीता ऐ।
2. प्रधानमंत्री नरेन्द्र मोदी होरें महिलाएं गी बाख्तियार बनाने दी दिशा च अपनी सरकार दे धेड़्यै पर जोर पाया ऐ। उनें महिलाएं दे जीवन स्तर च सुधार करने लेई पुट्टी गेदी गैइएँ दा जिक्र कीता।
3. प्रधानमंत्री होरें इक दिने लेई अपने सोशल मीडिया एकाउंट दा संचालन महिलाएं गी सौंपेआ।
4. दिल्ली सरकार नै गरीब महिलाएं गी ढाई जहार रपे देने लेई महिला समृद्धि योजना गी मंजूरी देई दित्ती ऐ।
5. भारत नै 5मां एशियाई महिला कौडी दा खिताब जित्ती लैता ऐ। फाइनल मकाबले च भारत नै ईरान गी 32-25 कन्नै हराई दित्ता।

<><><><><><>श

### Prez.-IWD

राष्ट्रपति द्रौपदी मुर्मू होरें कार्यबल च महिलाएं दी मती भागीदारी पर जोर दित्ता ऐ, उनें आखेआ जे भारत दे दुनिया दी त्रीह सब्बने कोला बड्डी अर्थबवस्था बनने दी बत्ता गी दिक्खदे होई इआं करना जरूरी ऐ। अंतर्राष्ट्रीय महिला दिवस पर अज्ज नमीं दिल्ली च इक रोजा सम्मेलन दा उद्घाटन करदे होई उनें आखेआ जे मुल्खे दी धियां विकसित भारत दा सुखना पूरा करने च महत्वै आली भूमिका नभाह करदियां न। इस सम्मेलन दा विषय सार हा "नारी शक्ति से विकसित भारत"। राष्ट्रपति होरें महिलाएं दी प्रगति च साथ सैहयोग करने च समाज दी भूमिका पर जोर दित्ता। उनें आखेआ जे केन्द्र सरकार एह जकीनी बनाने दी दिशा च बरोबर कोशश करा करदी ऐ जे मुल्खे दियां महिला राजनीतिक, आर्थिक ते समाजिक तौर पर बाख्तियार होने ते उंदे च विकसित भारत दा सुखना पूरा करने दी समर्थ होए। उनें आखेआ जे लोकसभा ते राज्यसभा च महिलाएं लेई आरक्षण दा नियम इक ऐतिहासक गैह ऐ।

<><><><><><>

## PM-Navasana

प्रधानमंत्री नरेन्द्र मोदी होरें अज्ज महिलाएं गी बाइख्तेयार करने लेई अपने सरकार दे धेइयै पर जोर दित्ता ऐ। उनें महिलाएं दे जीवन स्तरै च सुधार करने लेइ पुट्टी गेदी मळतवै आली गैइएँ दा बी जिक्र कीता। उनें आखेआ ऐ जे सरकार नै मुख्य भौ च लक्खा बद्धे शौचालयें दा निर्माण कीता ऐ। जेहूदे कन्नै महिलाएं लेई गोपनीयता ते साफ सफाई गी जकीनी बनाया गेआ ऐ। जेहूदे कन्नै महिलाएं दे मान-सम्मान गी ब्हाल कीता गेआ ऐ। प्रधानमंत्री होरें अंतर्राष्ट्रीय मकहिला दिवस दे मौके पर गुजरात दे नवसारी च लक्खपति दीदी सम्मेलन च बोला करदे हे। उनें 25 ज्हार कोला मते आप मदादी समूहें दी महिलाएं गी साढ़े चार करोड़ रपे दी माली सहायता बी बंडी।

<><><><><><>

## Om Birla

लोकसभा अध्यक्ष ओम बिरला होरें अज्ज आखेआ ऐ जे आम सैहूमति ते असैहूमति लोकवाद दा ताकत ऐ उआं योजनाबद्ध तरीके कन्नै ऐसे नीतिएं ते संसद च अड़चन पैदा करना लोकवादी कदरें लेई खरा नेइ ऐ। बिरला होर राजस्थान संविधान क्लब दे उद्घाटन दे मौके पर भाषणा देआ करदे हे।

<><><><><><>

## Nadda

केन्द्री सेहत मंत्री जे.पी.नड्डा होरें घोषणा कीती ऐ जे सरकार अगले 5एँ ब'रें च मैडिकल शिक्षा च 75 ज्हार नमीं सीटां बधाने पर बचार करा करदी ऐ। श्री नड्डा होर अज्ज नमीं दिल्ली दे भारत मंडपम च सेहत सरबंधी टेक्नालोजी दा जायजा लैने बारे लग्गी दी इक संगोष्ठी दे उद्घाटनी इजलास च भाषण देआ करदे हे। उनें आखेआ जे 2014 ब'रे दे मगरा मुल्खै च मैडिकल कालेजें दी गिनतरी च इक सौ इक फीसदी दा बाद्धा होआ ऐ। एहूदे इलावा 22 कुलभारतीय आर्युविज्ञान संस्थानें दी शुरूआत होइ ऐ। नीम चिकित्सा कर्मिं, नर्स ते अगेत्रे होइयै कम्म करने आले कार्यकर्ताएं गी सिखलाई देइयै सेहत सरबंधी दिक्खभाल दे क्षेत्र गी निग्गर बनाने दे सरकार दे धेइयै दा बी उनें जिक्र कीता। सेहत मंत्री होरें दुनिया दी

सबने कोला बड्डी सेहत बीमा योजना आयुष्मान भारत प्रधानमंत्री जन आरोग्य योजना दी कामयाबी बारे बी गल्ल कीती।

<><><><><><>

## PM Social Media

प्रधानमंत्री नरेन्द्र मोदी होरें अंतर्राष्ट्रीय महिला दिवस दे मौके पर इक दिने लेई अपने सोशल मीडिया एकाउंट दा संचालन महिलाएं गी सोंपी दित्ता ऐ। प्रधानमंत्री होर इक सोशल मीडिया पोस्ट च आखेआ जे अज्ज बडलै थमां गै खास महिलाएं आस्सेआ अपनी ते होरने महिलाएं दे प्रेरणा देने आले तर्जुबे सांझा कीते जा करदे न। उनें आखेआ जे मुखे दे बक्ख-बक्ख हिस्से दी इनें महिलाएं बक्ख-बक्ख क्षेत्रें च खास कम्म कीते न जेहड़ा मुखे दी नारी शक्ति दा प्रतीक ऐ। उनें आखेआ जे इंदे संकल्प ते कामयाबियां महिलाएं दी बडी मती समर्थ होने बारे जानकारी दिंदियां न। मोदी होरें आखेआ जे राष्ट्र विकसित भारत गी आकार देने च महिलाएं दे योगदान दा धन्नबाद करदा ऐ।

<><><><><><>

## Ukraine Attack

यूक्रेन च डोनेटस्क ते खाकिन समेत केइं इलाकें च रात भर होए दे रूस दे हमले च घट्टोघट्ट 14एं जनें दी मौत होइ गई ऐ। यूक्रेन दे अधिकारिणें मताबक रूस नै बैलिस्टिक मिसाइलें, केईं राकेटें ते ड्रोन कन्नै डोनेटस्क दे डोब्रोयिलिया पर हमले कीते न। इनें हमलें कन्नै 8एं बहुमंजला इमारतें ते 30एं गड्डिडएं गी नुकसान पुज्जा ऐ। रूस नै कल अपने पैहले बड्डे मिसाइल हमले च यूक्रेन दे ऊजा ते गैस दे बुनियादी ढांचे गी नुकसान पजाया। यूक्रेन दे राष्ट्रपति गोलोदिमिर जेलेंसकी होरें रूसी हमलें मगरा हवा ते समुंद्र च लड़ाईबंदी दा आह्वान कीता ऐ। तोआइं अमरीका दा अंतरिक्ष कंपनी मैक्सार टैक्नालोजी नै यूक्रेन कन्नै उपग्रह चित्रेंग गी सांझा करना बंद करी दित्ता ऐ।

<><><><><><>

## Pak Afghan

पाकिस्तान दी सरकार नै सबने कार्ड धारक अफगान प्रवासिणें गी 31 मार्च तोड़ी मुख्य छोड़ी देने दा हुक्म जारी कीता ऐ। इआं नेइं करने पर उनेंगी निर्वासन दा खतरा होग। अफगानिस्तान दे शरणाधिणें ते मुल्वा वापस भेजने सरबंधी मंत्रालय आस्सेआ पाकिस्तान गी

अफगानिएं गी मुख्य थमां बाहर करने कमी करने दी अपील करने दे इक दिने मगरा कल एह निर्देश जारी कीता गेआ ऐ। इक हुकमै कन्नै अफगान नागरिक कार्ड धारकें गी अगले त्रऊं हफते च मुख्य छोड़ना होग।

<><><><><><>

## General Discussion

जम्मू कश्मीर विधानसभा च अज्ज बजअ 2025 पर चर्चा कीती गई। एह बजट मुख्यमंत्री उमर अब्दुल्ला हुंदे आस्सेआ कल विधानसभा च पेश कीता गेआ हा। बजट पर चर्चा दी शुरूआत करदे होई जावेद हुसैन बेग होरें इस बजट दा परा पराता दृष्टिकोण पेश करदे होई इसी संतुलित बजट करार दित्ता। उनें आखेआ जे एह बजट मजूदा सरकार दे भविष्य आले राएं गी दर्शादा ऐ। तोआई तारिक हमीद कर्रा होरें आखेआ जे इस बजट च सब्बने समाजी क्षेत्रें लेई सकारात्मकता ऐ। उआं उनें आखेआ जे ध्याड़ीदारें ते आंगनवाड़ी वर्करें ते मामले खाली पेदी असाभिएं गी पूरने ते कश्मीरी पंडतें दा पुर्नवास जनेह मामले गी बजट च टकोहदी थाहर देनी लोड़चदी ही। इस चर्चा च अर्जुन सिंह राजू, तनवीर सादिक, सुनील भारद्वाज, नाजिर गरेजी, बलवंत सिंह मनकोटिया ते फारूक शाह होरें बी हिस्सा लेआ।

<><><><><><>

## Itoo Health

सेहत ते डाक्टरी शिक्षा विभाग दिएं मंत्री सकीना इत्तू होरें अज्ज आखेआ ऐ जे सरकार सेहत सरबंधी मजूदा सुविधाएं गी होर मजबूत बनाने लेई कम्म करै करदी ऐ। उनें दस्सेआ जे जम्मू कश्मीर च बक्ख-बक्ख स्तरै पर 4 जहार 200 शा मते सेहत इदारें न ते प्रदेश च नमीं किस्म दे 554 प्राणिमिक सेहत केन्द्र बी कम्म करे करदे न। मंत्री होरें शौकत हुसैन गनेई हुदे आस्सेआ पुच्छे गेदे इक सुआले दा परता दिंदे होई दस्सेआ जे भारत सरकार दे सेहत ते परोआर कल्याण मंत्रालय दी रिपोर्ट मूजब सेहत इदारें दी तादाद दे स्हाबै पूरे मुख्य च जम्मू कश्मीर बड़ी उच्ची थाहरे पर ऐ। इत्तू होरें इब्बी गलाया जे उंदा मैहकमा भारत दे सार्वजनिक सेहत मानकें मूजब मजूदा सेहत सुविधाएं गी तगड़ा बनाने दे मकसद कन्नै कम्म करै करदा ऐ।

<><><><><><>

## Delhi

दिल्ली दी सरकार नै अज्ज गरीब महिलाएं गी ढाई ज्हार रपे देने लेई महिला समृद्धि योजना गी मंजूरी देइ दिक्ती ऐ। मुख्मन्त्री रेखा गुप्ता होरें अज्ज इक संवाददाता सम्मेलन दरान एह घाषणा कीती। उनें आखेआ जे अंतर्राष्ट्रीय महिला दिवस दे मोके पर दिल्ली सरकार दी मंत्रिमंडल दी मीटिंग च इस योजना गी मंजूरी दिक्ती गई। उनें आखेआ ले इस योजना गी लागू करने लेई 5 ज्हार दक सौ करोड़ रपे दे बजट दा प्रवधान कीता गेआ ऐ।

<><><><><><>

## Itoo Townships

सेहत ते डाक्टरी शिक्षा मैहकमे दिएं मंत्री सकीना इत्तू होरें अज्ज आखेआ ऐ जे जम्मू कश्मीर च 9 कलोनिएं दी स्थापना लेई 1 ज्हार 298 कनाल ते 28 मरले जिमीं दी शिनाख्त कीती गई ऐ। मंत्री होर अज्ज विधानसभा च व्हीद-उर-रहमान परा हुंदे आस्सेआ पुच्छे गेदे इक सुआले दा मुख्मन्त्री उमर अब्दुल्ला हुंदी थाहरे पर परता देआ करदियां हियां। उनें गलाया जे प्रदेश दे लोकें दी रिहायश सरबंधी बधदी जरूरतै ते गैर योजना बद्ध ढंगै'नै शैहरे दे विस्तार गी रोकने दे मकसद कन्नै इनें कलोनिएं दा निर्माण कीता जा'रदा ऐ। उनें दस्सेआ जे जम्मू विकास प्राधिकरण आस्सेआ सरकारी जमीनें दी शिनाख्त दा कम्म कीता गेआ ऐ।

<><><><><><>

## Dar Awas Plus

ग्रामीण विकास मंत्री जावेद अहमद डार होरें अज्ज आखेआ ऐ जे जम्मू कश्मीर च प्रधानमंत्री आवास योजना ग्रामीण दी अवास प्लस श्रेणी दे तैहत 498 लाभार्थिएं गी घरें दे निर्माण लेई 5-5 मरले दी जिमीं अलाट कीती गई ऐ। उनें इब्बी दस्सेआ जे राजस्व मैहकमे आस्सेआ 442 मामले पर गौर कीता जा'रदा ऐ। एम.वाई.तारीगामी हुंदे आस्सेआ विधानसभा च पुच्छे गेदे इक सुआला दा परता दिंदे होई मंत्री होरें दस्सेआ जे जम्मू कश्मीर च उचित मुआवजे दे अधिकार ते जिमीं हासल करने दे कम्म च पारदर्शिता ते परतियै बसाने सरबंधी कनून गी लागू कीता जा करदा ऐ ते इस कनून च कीते गेदे प्रावधानें मूजब गै मुआवजे दी रकम तैह कीती जा'रदी ऐ।

<><><><><><>

## IWD-LG

जम्मू कश्मीर केन्द्र शासित प्रदेश च अज्ज अंतर्राष्ट्रीय महिला दिवस बड़ी धूमधाम कन्नै मनाया गेआ। उपराज्यपाल मनोज सिन्हा होरें बुद्धा आर्ट एंड पेंटिंग आस्सेआ गांधी नगर आले पद्मश्री पदमा सचदेव सरकारी महिला कालेज दे सैहयोग कन्नै आयोजित “सशक्त नारी सम्मान” कार्यक्रमै च हिस्सा लैता। अपने संबोधन च उपराज्यपाल होरें अंतर्राष्ट्रीय महिला दिवस पर संगठने महिलाएं गी दिली मुबारकबाद दित्ती। श्री सिन्हा होरें गलाया जे मनुक्ख जाति दे भविक्ख गी नमां आकार देने च नारी शक्ति दा योगदान बड़ा मता ऐ।

<><><><><><>

## Kabadi

भारतीय महिला कोड्डी टीम नै 5मीं बारी एशियाई चैंपियनशिप दा खिताब जित्ती लैता ऐ। 6मीं एशियाई महिला कौडी चैंपियनशिप च अज्ज दपैहरी तेहरान च खेड्डे गेदे फाइनल मकाबले च भारत नै मेजबान ईरान गी 32–25 कन्नै हराई दित्ता। भारत नै जंदी संजा खेड्डे गेदे सैमीफाइनल च नेपाल गी 56–18 कन्नै हराई दित्ता ऐ।

<><><><><><>